

ЎЗБЕКИСТОН РЕСПУБЛИКАСИ
ВАЗИРЛАР МАҲКАМАСИНИНГ
Қ А Р О Р И



ПОСТАНОВЛЕНИЕ
КАБИНЕТА МИНИСТРОВ
РЕСПУБЛИКИ УЗБЕКИСТАН

25 “ декабрь ” 2017 й. г.

№ 1018

Тошкент ш. – г. Ташкент

Ўзбекистон Республикаси Вазирлар Маҳкамаси ҳузуридаги Миллатлараро муносабатлар ва хорижий мамлакатлар билан дўстлик алоқалари қўмитаси ҳузуридаги Жамоатчилик кенгаши фаолиятини ташкил этиш тўғрисида

Ўзбекистон Республикаси Президентининг «Ўзбекистон Республикаси Вазирлар Маҳкамаси ҳузуридаги Миллатлараро муносабатлар ва хорижий мамлакатлар билан дўстлик алоқалари қўмитаси фаолиятини ташкил этиш тўғрисида» 2017 йил 23 майдаги ПҚ-2993-сон қарорига мувофиқ миллий маданий марказлар, дўстлик жамиятлари, ижодий уюшмалар, давлат ташкилотлари ва нодавлат нотижорат ташкилотларнинг фаолиятини идоралараро мувофиқлаштиришни таъминлаш мақсадида Вазирлар Маҳкамаси қарор қилади:

1. Қуйидагилар:

Ўзбекистон Республикаси Вазирлар Маҳкамаси ҳузуридаги Миллатлараро муносабатлар ва хорижий мамлакатлар билан дўстлик алоқалари қўмитаси ҳузуридаги Жамоатчилик кенгаши тўғрисидаги низом 1-иловага мувофиқ;

Ўзбекистон Республикаси Вазирлар Маҳкамаси ҳузуридаги Миллатлараро муносабатлар ва хорижий мамлакатлар билан дўстлик алоқалари қўмитаси ҳузуридаги Жамоатчилик кенгаши таркиби 2-иловага мувофиқ тасдиқлансин.

2. Мазкур қарорнинг бажарилишини назорат қилиш Ўзбекистон Республикаси Вазирлар Маҳкамаси ҳузуридаги Миллатлараро муносабатлар ва хорижий мамлакатлар билан дўстлик алоқалари қўмитаси ҳамда Вазирлар Маҳкамасининг Маданият, санъат ва ёшлар сиёсати масалалари ахборот-таҳлил департаментига юклансин.

Ўзбекистон Республикасининг
Бош вазири



А. Арипов

Вазирлар Маҳкамасининг
2017 йил “ 25 ” декабрдаги
1018-сон қарорига
1-илова

**Ўзбекистон Республикаси Вазирлар Маҳкамаси ҳузуридаги Миллатлараро
муносабатлар ва хорижий мамлакатлар билан дўстлик алоқалари
қўмитаси ҳузуридаги Жамоатчилик кенгаши тўғрисидаги
НИЗОМ**

1-боб. Умумий қоидалар

1. Мазкур Низом Ўзбекистон Республикаси Вазирлар Маҳкамаси ҳузуридаги Миллатлараро муносабатлар ва хорижий мамлакатлар билан дўстлик алоқалари қўмитаси (кейинги ўринларда Қўмита деб юритилади) ҳузуридаги Жамоатчилик кенгашининг (кейинги ўринларда Жамоатчилик кенгаши деб юритилади) асосий вазифалари, функциялари, ҳуқуқ ва мажбуриятлари, шунингдек, фаолиятини ташкил этиш тартибини белгилайди.

2. Жамоатчилик кенгаши ўз фаолиятини мустақил амалга оширувчи маслаҳат органи ҳисобланади.

Жамоатчилик кенгаши Қўмита ҳузурида тузилади ҳамда унинг фаолияти Ўзбекистон Республикасининг бутун ҳудудига нисбатан татбиқ этилади.

3. Жамоатчилик кенгашининг регламенти Жамоатчилик кенгашининг қарори билан тасдиқланади.

**2-боб. Жамоатчилик кенгашининг асосий мақсади,
вазифалари, функциялари, ҳуқуқ ва мажбуриятлари**

4. Қуйидагилар Жамоатчилик кенгашининг асосий вазифалари ҳисобланади:

Қўмитанинг нодавлат нотижорат ташкилотлари ва фуқаролик жамиятининг бошқа институтлари билан самарали ҳамкорлигини таъминлаш, фуқароларнинг ҳуқуқлари, эркинликлари ва қонуний манфаатларига дахлдор фаолиятининг энг муҳим масалалари юзасидан жамоатчилик фикрининг тизимли мониторинги олиб борилишини ва ҳар томонлама таҳлил қилинишини амалга ошириш;

Қўмита фаолиятига доир норматив-ҳуқуқий ҳужжатларни, шунингдек ички идоравий ҳужжатлар лойиҳаларини ишлаб чиқиш, уларнинг Қўмита ходимлари ўртасида муҳокамасини ташкил қилишда иштирок этиш;

Қўмита фаолияти самарадорлигини такомиллаштириш юзасидан мазкур органда соғлом маънавий-руҳий ҳолатни, қонунийлик, юқори ҳуқуқий маданият ва ахлоқийликни таъминлаш борасида таклиф ва тавсиялар ишлаб чиқиш;

Қўмита фаолияти бўйича тушунтириш ва маърифий ишларни олиб боришни тизимли ишлаб чиқиш ва амалга ошириш;

Қўмита фаолиятининг очиқлигини таъминлаш бўйича амалга оширилаётган чора-тадбирлар мониторингини олиб бориш.

5. Жамоатчилик кенгаши ўзининг асосий вазифаларига мувофиқ куйидаги функцияларни амалга оширади:

фуқаролар, нодавлат нотижорат ташкилотлари ва фуқаролик жамияти бошқа институтларининг Қўмита фаолиятига оид ташаббус ва мурожаатларини кўриб чиқишда иштирок этади, уларни кўриб чиқиш натижалари бўйича Қўмитага тегишли таклифлар тайёрлайди;

Қўмита билан фуқаролар, нодавлат нотижорат ташкилотлари ва фуқаролик жамияти бошқа институтларининг самарали шакл ва усулларда ўзаро ҳамкорлиги таҳлилини амалга оширади, шунингдек, уларни такомиллаштириш бўйича таклифларни ишлаб чиқади;

Қўмита фаолиятига доир норматив-ҳуқуқий ҳужжатларни, шунингдек ички идоравий ҳужжатларни такомиллаштириш, улардаги мавжуд камчиликларни бартараф этиш бўйича таклифларни ишлаб чиқади ҳамда ушбу таклифларни ходимлар ўртасида муҳокама қилиш бўйича тадбирларни ташкил қилишда иштирок этади;

Қўмитада қонунийлик, юқори ҳуқуқий маданият ва ахлоқийликни таъминлаш, ходимларда Ватанга садоқат ва қонунларга ҳурмат руҳини кучайтириш, уларни ижтимоий, сиёсий, психологик ва маънавий-маърифий жиҳатдан юксалтириш бўйича таклифлар тайёрлайди, ушбу соҳада маънавий-маърифий ва маданий тадбирларни ташкил этишда иштирок этади, шунингдек, бу борадаги илмий-маърифий ва ўқув адабиётларини такомиллаштириш бўйича таклифлар ишлаб чиқади;

Қўмита фаолиятини ислоҳ қилиш бўйича мамлакат ҳудудида ва хорижда амалга оширилаётган тизимли чора-тадбирлар ҳақида мунтазам равишда маълумот беради ҳамда мавжуд муаммоларни ҳал қилиш, камчиликларни бартараф қилиш ҳақида таклифлар ишлаб чиқади;

Қўмита фаолиятини ислоҳ қилишга бағишланган илмий-назарий ва илмий-амалий анжуманлар, семинарлар, “давра суҳбатлари”ни ташкил қилишда иштирок этади;

Қўмита фаолиятини расмий веб-сайтларда ҳамда оммавий ахборот воситаларида ёритиш бўйича амалга оширилаётган ишлар натижаларини таҳлил қилади, уларнинг самарадорлигини ошириш ва мавжуд камчиликларни бартараф этиш бўйича таклифлар тайёрлайди;

ўз вазифаларини амалга оширишда нодавлат нотижорат ташкилотлари, оммавий ахборот воситалари, шунингдек, фуқаролик жамиятининг бошқа институтлари ҳамда фуқаролар билан ҳамкорлик қилади.

6. Жамоатчилик кенгаши ўзининг асосий вазифалари ва функцияларини бажариш учун куйидаги ҳуқуқларга эга:

ўз ваколатлари доирасида Қўмитадан керакли ҳужжатларни, статистик ва таҳлилий маълумотларни сўраб олиш ва қабул қилиш;

Жамоатчилик кенгаши ваколатига тегишли масалаларни ҳал қилиш учун Жамоатчилик кенгаши аъзоларидан иборат жамоатчилик комиссияларини ташкил этиш;

Қўмита раҳбари билан келишган ҳолда Қўмитада ўтказиладиган йиғилишлар ва бошқа тадбирларда иштирок этиш;

ходимлар (хизматдан бўшатишган ходимлар) ҳамда улар оила аъзоларининг конституциявий ҳуқуқлари, эркинликлари ва қонуний манфаатларига риоя этилишини таҳлилий ўрганиш;

Қўмига Жамоатчилик кенгаши ваколатига тегишли масалалар бўйича таклифлар киритиш;

Қўмига ва Жамоатчилик кенгаши томонидан ташкил этиладиган тадбирларга давлат, жамоат, маданият ва санъат арбоблари, олимлар, мутахассислар, нодавлат нотажорат ташкилотлари, оммавий ахборот воситалари ва фуқаролик жамиятининг бошқа институтларини жалб қилиш, шунингдек, улар билан ҳамкорликда тадбирлар ташкил қилиш;

Жамоатчилик кенгашининг фаолияти ҳақида оммавий ахборот воситаларида эълон қилиш.

Жамоатчилик кенгаши қонун ҳужжатларига мувофиқ бошқа ҳуқуқларга ҳам эга бўлиши мумкин.

7. Жамоатчилик кенгаши ўз фаолиятини амалга оширишда қуйидаги мажбуриятларга эга:

Ўзбекистон Республикаси Конституцияси ва қонунларига, Ўзбекистон Республикаси Олий Мажлиси палаталарининг қарорлари, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига, вазирликлар ва идоралар томонидан қабул қилинган норматив-ҳуқуқий ҳужжатларга, мазкур Низомга ва бошқа қонун ҳужжатларига амал қилиш;

фойдаланиш доираси чекланган тоифадаги ҳужжатлар билан ишлаш қоидаларига қатъий риоя қилиш.

Жамоатчилик кенгаши қонун ҳужжатларига мувофиқ бошқа мажбуриятларни ҳам бажариши мумкин.

3-боб. Жамоатчилик кенгашининг таркиби

8. Жамоатчилик кенгашининг таркибига унинг раиси, раис ўринбосари, котиб ва аъзолар киради. Жамоатчилик кенгаши ўз фаолиятини жамоатчилик асосида олиб боради.

9. Қўмига раиси ёки уни вазифасини бажарувчи шахс Жамоатчилик кенгашининг раиси ҳисобланади.

Жамоатчилик кенгашининг шахсий таркиби Ўзбекистон Республикаси Вазирлар Маҳкамаси томонидан тасдиқланади.

Жамоатчилик кенгаши аъзоси бошқа ишга ўтган тақдирда, унинг ўрнига ушбу лавозимга янги тайинланган ёки унинг вазифасини бажариш зиммасига юкланган шахс киритилади.

Қўмига ходимлари, фахрийлари, нодавлат нотажорат ташкилотлари ва оммавий ахборот воситаларининг вакиллари, шунингдек Ўзбекистон Республикасининг бошқа фуқаролари Жамоатчилик кенгашининг таркибига киритилиши мумкин.

10. Жамоатчилик кенгаши раиси Жамоатчилик кенгаши фаолиятига умумий раҳбарлик қилади ҳамда қуйидаги ваколатларни амалга оширади:

Жамоатчилик кенгаши мажлисини чақириш ва кун тартибини белгилаш;

Жамоатчилик кенгаши мажлисига раислик қилиш;

Жамоатчилик кенгашининг иш режаси, Жамоатчилик кенгаши мажлисининг баённомаси ва Жамоатчилик кенгашининг иш юритувига оид бошқа ҳужжатларини тасдиқлаш;

Жамоатчилик кенгаши қарорларининг бажарилишини назорат қилиш;

Жамоатчилик кенгаши аъзоларининг уларга қўйилган топшириқларни бажариш ишини ва фаолиятини мувофиқлаштириш;

Вазирлар Маҳкамасига Жамоатчилик кенгашига кирувчи шахсларни унинг таркибидан чиқариш бўйича таклифларни киритиш.

11. Жамоатчилик кенгаши раиси йўқлигида унинг ваколат ва вазифаларини жамоатчилик кенгаши раисининг ўринбосари амалга оширади.

12. Жамоатчилик кенгаши раисининг ўринбосари:

Жамоатчилик кенгаши раиси бўлмаганда жамоатчилик кенгаши мажлисларига раислик қилади;

Жамоатчилик кенгаши қарорлари бажарилишини назорат қилиш ишларини ташкил этади;

фуқароларни ва юридик шахсларнинг вакилларини қабул қилади ҳамда ариза, таклиф ва шикоятларни кўриб чиқиш ишларини ташкил этади;

қонун ҳужжатлари ва Жамоатчилик кенгаши қарорларига мувофиқ бошқа ваколатларни амалга оширади.

13. Жамоатчилик кенгаши масъул котиби:

Жамоатчилик кенгашининг мажлисига керакли ҳужжатлар ўз вақтида тайёрланишини таъминлайди;

Жамоатчилик кенгаши мажлисининг кун тартиби бўйича ўтишини ташкил этади;

Жамоатчилик кенгаши раиси билан мажлис ўтказиш муддати, жойи ҳамда таклиф қилинувчилар ҳақида маслаҳатлашади;

Жамоатчилик кенгаши аъзолари ва таклиф қилинган шахсларни мажлис ўтказиш жойи, санаси ва вақти ҳақида хабардор қилади;

Жамоатчилик кенгаши қарорларининг бажарилиши мониторингини олиб боради ва унинг натижаларини Жамоатчилик кенгаши мажлисида кўриб чиқиш бўйича таклиф киритади;

Жамоатчилик кенгаши баённомасини расмийлаштиради ҳамда тасдиқланган баённомани Жамоатчилик кенгаши аъзоларига ва бошқа манфаатдор шахсларга юборилишини таъминлайди.

14. Жамоатчилик кенгаши аъзолари:

Жамоатчилик кенгаши мажлисларида кўриладиган масалаларни ҳал қилиш ва муҳокама қилишда ўз ваколатларини бериш ҳуқуқисиз қатнашадилар. Жамоатчилик кенгаши аъзолари айрим ҳолларда жамоатчилик кенгаши мажлисларида қатнаша

олмаган тақдирда ўз фикрларини ёзма тарзда Жамоатчилик кенгаши масъул котибига тақдим этишлари мумкин. Кўрсатиб ўтилган фикрлар мажлисда кўриб чиқилади ва овоз беришда ҳисобга олинади;

Кўмита фаолиятини тартибга солувчи норматив-ҳуқуқий ҳужжатлар ва ички идоравий ҳужжатларни янада такомиллаштириш бўйича таклифлар ишлаб чиқадилар;

ходимлар ва уларнинг оила аъзоларининг ҳуқуқлари, эркинликлари ва қонуний манфаатларини таъминлаш бўйича Жамоатчилик кенгашига таклифлар киритадилар.

4-боб. Жамоатчилик кенгашининг ишчи органи

15. Жамоатчилик кенгашининг ишчи органи таркиби Жамоатчилик кенгашининг аъзоларидан шакллантирилади.

16. Жамоатчилик кенгашининг ишчи органи:

Жамоатчилик кенгаши фаолиятининг методик, ташкилий-ҳуқуқий, ташкилий-техник таъминот масалаларини ҳал қилади;

Жамоатчилик кенгашининг иш режалари лойиҳаларини тайёрлайди, Жамоатчилик кенгашига кўриб чиқиш учун киритади ва тасдиқланган иш режасининг бажарилишини таъминлайди;

Жамоатчилик кенгашининг навбатдаги мажлисига барча зарур ҳужжатларни тайёрлайди, Кўмита ходимларидан керакли ҳужжатлар ва маълумотларни сўраб олади;

Жамоатчилик кенгаши мажлиси кун тартибидаги масалалар бўйича таҳлилий материаллар тайёрлайди;

Жамоатчилик кенгаши ваколатларига кирувчи мурожаатларни кўриб чиқади ва тегишли ҳужжатларни тайёрлайди;

Жамоатчилик кенгаши томонидан берилган бошқа вазифаларни амалга оширади.

5-боб. Жамоатчилик кенгаши фаолиятини ташкил қилиш

17. Жамоатчилик кенгашининг фаолияти Жамоатчилик кенгаши томонидан ушбу Низом асосида ишлаб чиқилиб, тасдиқланган Регламентда белгиланган тартибда амалга оширилади.

18. Регламентда қуйидагилар белгиланади:

Жамоатчилик кенгаши аъзоларининг унинг фаолиятида иштирок этиши тартиби;

Жамоатчилик кенгаши йиғилишларини ўтказилиш муддатлари ва тартиби;

Жамоатчилик кенгаши доимий ишчи органининг иш тартиби;

Жамоатчилик кенгаши комиссияси фаолияти ва тузилиши тартиби, шунингдек, раҳбар ваколатлари ва уни сайлаш тартиби;

Жамоатчилик кенгаши аъзоларининг ваколатларини тўхтатиш ва тугатиш тартиби;

Жамоатчилик кенгаши қарорларининг тузилиши ва уларни қабул қилиш тартиби;

Жамоатчилик кенгашида тадбирларга тайёргарлик кўриш ва тадбирларни ўтказиш тартиби;

Жамоатчилик кенгаши фаолияти тартибига доир бошқа масалалар.

19. Жамоатчилик кенгаши фаолиятининг асосий масалалари Жамоатчилик кенгаши мажлисларида кўриб чиқилади. Жамоатчилик кенгаши мажлиси Жамоатчилик кенгашининг иш режаси асосида камида ҳар йилда бир мартаба чақирилади.

Жамоатчилик кенгаши раиси Жамоатчилик кенгаши аъзоларининг камида учдан бир қисмининг ёзма мурожаати асосида навбатдан ташқари мажлис чақириши мумкин.

20. Жамоатчилик кенгаши мажлисларига миллий маданий марказлар, дўстлик жамиятлари, давлат ва нодавлат нотижорат ташкилотлари ва фуқаролик жамиятининг бошқа институтлари вакиллари таклиф қилиниши мумкин.

Жамоатчилик кенгаши мажлисига таклиф қилинувчи шахслар рўйхати Жамоатчилик кенгаши раиси ва Жамоатчилик кенгаши аъзолари билан келишган ҳолда Жамоатчилик кенгаши котиби томонидан шакллантирилади.

21. Жамоатчилик кенгаши мажлисининг кун тартиби лойиҳаси Жамоатчилик кенгаши аъзоларининг таклифлари ва Жамоатчилик кенгаши раиси топшириғи асосида Жамоатчилик кенгаши котиби томонидан шакллантирилади.

22. Жамоатчилик кенгаши мажлислари унинг раиси томонидан олиб борилади. Раис иштирок эта олмаган ҳолларда мажлисга унинг ўринбосари раислик қилади.

Жамоатчилик кенгаши мажлисларида Қўмита раҳбарининг ўринбосарлари ёки бошқа ходимлар иштирок этиши мумкин.

23. Жамоатчилик кенгаши мажлиси унга таклиф қилинган шахсларнинг учдан икки қисмидан кам бўлмаган қисми (кворум) иштирок этган тақдирда қонуний ҳисобланади.

Агар мажлис олиб бориш учун кворум шакланмаса, Жамоатчилик кенгашининг янги мажлис ўтказиш санаси эълон қилинади.

24. Жамоатчилик кенгашининг қарори унинг мажлисида қатнашаётган аъзоларининг кўпчилик овози билан қабул қилинади. Агар овозлар тенг келиб қолса, Жамоатчилик кенгаши раисининг овози ҳал қилувчи аҳамиятга эга бўлади.

25. Жамоатчилик кенгаши қарор қабул қилишда масалаларни эркин муҳокама қилиш, овоз бериш, жамоатчилик фикрини инобатга олиш, тенглик ва коллегияликка асосланади.

26. Жамоатчилик кенгашининг ҳар бир аъзоси қабул қилинган қарорга ўзининг фикрларини ёзма тарзда билдириш ҳуқуқига эга. Бунда фикрлар Жамоатчилик кенгаши мажлиси баённомасига киритиб қўйилади.

27. Жамоатчилик кенгашининг қарори қабул қилинган кундан бошлаб уч кундан кечикмасдан Қўмитага юборилади.

Жамоатчилик кенгашининг қарори тавсиявий характерга эгадир. Агар қарор Қўмита томонидан маъқулланмаса, Қўмита қарор қабул қилинган кундан бошлаб ўн

кундан кечикмасдан Жамоатчилик кенгашига асослантирилган жавобини тақдим қилади.

28. Тезкор қарор қабул қилиш зарурати келиб чиққанда, Жамоатчилик кенгашининг қарори Жамоатчилик кенгаши раиси ташаббуси билан Жамоатчилик кенгаши аъзолари билан маслаҳатлашилган ҳолда сўров йўли билан қабул қилиниши мумкин.

29. Жамоатчилик кенгаши мажлисида қабул қилинган қарор мажлис баённомаси билан расмийлаштирилади. Баённома Жамоатчилик кенгаши котиби томонидан имзоланади, мажлисга раислик қилувчи томонидан тасдиқланади ҳамда уч кунлик муддатда Жамоатчилик кенгаши аъзоларига ва бошқа манфаатдор шахсларга юборилади.

30. Жамоатчилик кенгашининг ишчи органи ва котиби Жамоатчилик кенгаши аъзолари билан биргаликда Жамоатчилик кенгаши қарорларини ижро этиш йўллари тизимли ўрганади ва кўриб чиқади, зарур ҳолларда, Жамоатчилик кенгаши раисига таклифлар киритади.

31. Ишчи орган Жамоатчилик кенгаши қарорларини ижро этиш натижалари ҳақида ҳар ойда Жамоатчилик кенгаши раисига маълумот тақдим этади.

6-боб. Яқунловчи қоидалар

32. Жамоатчилик кенгашининг моддий-техник таъминоти Қўмита томонидан, шунингдек, қонун ҳужжатларида тақиқланмаган бошқа манбалар ҳисобига амалга оширилади.

33. Жамоатчилик кенгаши фаолияти устидан назоратни Қўмита раиси амалга оширади.

34. Жамоатчилик кенгашининг қарорлари ҳамда Қўмита раисининг Жамоатчилик кенгашининг фаолиятини ташкил этиш билан боғлиқ қарорлари устидан белгиланган тартибда шикоят қилиниши мумкин.

Вазирлар Маҳкамасининг
2017 йил “ 25 ” декабрдаги
1018 -сон қарорига
2-илова

**Ўзбекистон Республикаси Вазирлар Маҳкамаси хузуридаги Миллатлараро
муносабатлар ва хорижий мамлакатлар билан дўстлик алоқалари қўмитаси
хузуридаги Жамоатчилик кенгаши
ТАРКИБИ**

1. Лавозимига кўра - Миллатлараро муносабатлар ва хорижий мамлакатлар билан дўстлик алоқалари қўмитаси раиси,
Жамоатчилик кенгаши раиси
2. Лавозимига кўра - Миллатлараро муносабатлар ва хорижий мамлакатлар билан дўстлик алоқалари қўмитаси раиси ўринбосари,
Жамоатчилик кенгаши раисининг ўринбосари
3. Ишанходжаев Камолиддин Нуриддинович - Миллатлараро муносабатлар ва хорижий мамлакатлар билан дўстлик алоқалари қўмитаси раиси ўринбосари,
Жамоатчилик кенгаши раисининг ўринбосари
4. Камилов Камалджан Сабитджанович - Ўзбекистон Республикаси Президенти девони масъул ходими (*келишув асосида*)
5. Ахмеджанов Карим Бакиджанович - Ўзбекистон Республикаси Президенти хузуридаги Давлат бошқаруви академияси проректори
6. Назарбеков Озод Аҳмадович - Маданият вазирининг биринчи ўринбосари
7. Ниязходжаев Саидикрам Пархатович - Ташқи ишлар вазирининг ўринбосари
8. Саидов Акмал Холматович - Инсон ҳуқуқлари бўйича Ўзбекистон Республикаси Миллий маркази директори
9. Маъруфова Гулнора Маҳмудовна - Ўзбекистон Хотин-қизлар қўмитаси раисининг ўринбосари
10. Латипов Исфандиёр Худоёрович - “Тасвирий ойина” ижодий уюшмаси раиси
11. Жавлонов Шавкат Сардарович - “Маҳалла” хайрия жамоат фонди раиси
12. Мелиев Худоёр Хуррамович - Адлия вазирлиги бошқармаси бошлиғи
13. Турдиқулов Шухрат Худойкулович - Тошкент шаҳри ҳокимининг ўринбосари, шаҳар миллий-маданий марказлари фаолиятини мувофиқлаштирувчи кенгаш раиси
14. Юсупов Ортиқбек Одилевич - Дин ишлари бўйича қўмита раиси
15. Таджиев Одил Патихджанович - Ўзбекистон Ёшлар иттифоқи Марказий Кенгаши раисининг биринчи ўринбосари

16. Жалилов Шухрат Илхамович - “Нуроний” жамғармаси раиси
17. Абдуллаев Рустам - Бастакорлар уюшмаси раиси
18. Нуритдинов Акмал Ваҳобжонович - Ўзбекистон Бадиий академияси раиси
19. Қодиров Алишер - Республика Маънавият ва маърифат маркази раҳбари
20. Махмадалиев Бахтиёр Хасанович - Қасаба уюшмалари Федерацияси Кенгаши раисининг ўринбосари
21. Саидов Сирожддин Салохович - Ўзбекистон Ёзувчилар уюшмаси раисининг биринчи ўринбосари
22. Нуритдинов Хайрулла Боқижонович - Ўзбекистон миллий телерадиокомпанияси раисининг биринчи ўринбосари
23. Мансуров Комил Тоҳирович - Матбуот ва ахборот агентлиги бош директори ўринбосари
24. Абдухалимов Баҳром Абдурахимович - Ўзбекистон Фанлар академияси вице-президенти
25. Зокиров Орифхон Анварович - Ўзбекистон Республикаси Вазирлар Маҳкамаси Маданият, санъат ва ёшлари сиёсати масалалари ахборот таҳлил департаментининг бош мутахассиси
26. Лавозимига кўра - Миллатлараро муносабатлар ва хорижий мамлакатлар билан дўстлик алоқалари қўмитаси масъул ходими, *Жамоатчилик кенгаши масъул котиби*
27. Лавозимига кўра - Дўстлик жамиятлари ва Миллий маданий марказлар раҳбарлари

Изоҳ. *Жамоатчилик кенгаши аъзоси бошқа ишга ўтган тақдирда, унинг таркибига ушбу лавозимга янги тайинланган ёки унинг вазифасини бажариш зиммасига юкланган шахс киритилади.*

